



Iulia seu Iuliacum Ducatus insignis Germaniæ inferioris, à metropoli  
 in eo nomen sortitus, eius verò nominis occasionem nusquam reperi-  
 neminit autem huius Itinerarium Antonini. Veteres historiographi hoc  
 loco Mænapios collocant ac Gugernos; ita ut quibusdam Iuliacum quod  
 Gulsich incolæ vocant, à Gugernis, paululum immutato nomine dictum  
 videatur. Sciendum tamen, etiam si superioris Germ. dialectu Gulsich dicatur non-  
 nullis, qui Belgarum tenues aspirare solent propriè tamen Gulic (ut maior etiam Belga-  
 rum pars, imò oēs efferre solēt) dicitur quasi Iulic, quod contractè pro Iuliac & Iulia-  
 co, loquuntur. Quòd autem I sæpius in G, & contra, ab imperitis prauissimè enuncietur  
 notum est nimium, dum ex Georg Iorg, ex Gaspar Iaspar corruptissimè etiam  
 illud ex A egidius Iilis, & contra ex Ioanes, Geannes Ieronymus Gironemus faciunt;  
 Sic Itali etiam ex Ianua Ienuam & porro Genuam fecerunt. Bonam quoque huius re-  
 gionis partem Brueteri habitasse creduntur. Insuper & Eburones Iuliacensis ac Leo-  
 diensis ditionum partem tenuisse, ex historijs veterum, & præsertim Cæsaris elucet.  
 Bergensis præterea ac Iuliacensis ducatum confinia Teucteris habitata fuere. Fuit o-  
 lim Iuliacensis ditio Comitatus, qui anno Christi 1329 per Ludouicum Imp. fuit sub-  
 limatus in marchionatum; ac deinde post 30. annos per Carolum quartum in comitij  
 Metensio. fuit erectus in Ducatum; id quod Cuspinianus sub titulo huius Imp. ostendit.  
 Interea autem dum hæc regio comiti paruit accessit quoque comitatus Montensis,  
 fuit comes Gerhardus simul comes Iuliacensis & Montensis. Successit ei in admini-  
 stratione comitatum filius eius V Vilhelmus; & hunc subsecutus est filius eius V Vil-  
 helmus primus dux Iuliacensis, Montensis, & dux Geldriæ. Post eum potitus est re-  
 rum frater eius Rainoldus, factus dux Iuliacensis, Montensis & Geldrensis. eoque  
 mortuo sine hærede anno 1423. nupsit relicta eius vxor affini suo Adolpho Bergensi,  
 qui factus est dux Iul. & Bergensis seu Montensis, sed non Geldrensis. His autem sine  
 liberis mortuis, factus est V Vilhelmus dux Iuliac. & Berg. genuitque filium nomi-  
 ne Gerardum successorem in paterna ditione. Genuit quoque Gerardus filium nomi-  
 ne V Vilhelmum, qui anno Christi 1496. vnicam filiam suam tradidit vxorem du-  
 cis Cliuensis vnico filio, nomine Ioanni. Sicque tres ducatus Berg. Iuliac. & Cliuensis  
 in vnam redacti sunt ditionem. Genuit autem iste Ioannes filium nomine V Vilhel-  
 mum, qui quartum ducatum, nempe Geldrensem iunxit tribus prioribus. Sed exci-  
 tato bello anno 1543. victus à Carolo quinto, spoliatus fuit ditione sua, ac deinde rur-  
 sus ea certis conditionibus donatus, præter Geldriam tamē, ducta vxore filia Ferdinā-  
 di Rom. regis. Habet ducatus hic præter metropolim suā, plures etiam ciuitates & op-  
 pida: Marcodurum vulgò Duren. ciuitas ex eo tempore illustrior & notior facta, quo  
 grauissimam Caroli quinti obsidionem pertulit, secundum Tacitum Vbiorum olim  
 fuit oppidum; & refert Munsterus quod suo tempore celebris fuerit propter diuæ  
 Annæ quoddam caput, quod ibi ostētabatur. illud (inquit) ex adytis templi sancti Ste-  
 phani Maguntiensis, vbi negligētius colebatur, per lapidarium opificem, cum ego ad-  
 huc puer essem, furtim sublatum est. magna pecunia Romæ eam ob rem delitigata  
 est, dum illi reposcunt ablatum, hi verò restituere nolunt. hæc Munst. Monasterium  
 aut Eyphalæ, sic dictum à monasterio seu templo egregio, canonicorum collegio de-  
 corato, & quod in extremitate ista Iuliæ sita est vbi Eyphalæ iungitur. oppidum est  
 amœnum inter montium conualles, haud procul ab Eruatis fluuij fontibus hanc se-  
 quuntur, Euskirchia, Berchemium Castrum quod à magnifico castro quo munitum est, no-  
 mē retinet, Greuenbroick / Gladbach / Dalen Bassenbetga / & multa alia. Erculens au-  
 tem licet in medietate penè regionis sita sit, Geldrensi tamen ducatu annumeratur.  
 Arcium, castrorum ac nobilium domorum haud scio an vsquam in regione tam



**IVLIACVM**  
 Julic, oder Gudich,  
 ein Rhodan Hertzogtum gelegen  
 in Niederlandt, ist also gantz  
 von der Hauptstat Julis oder  
 Gudich, so hiezu lye, vnder  
 der dieselbe de namen be hien  
 weis man nit wol, obgleich  
 ist dieses Land ein Graffschafft ge  
 weest, ist aber im Jahr Chr 1529  
 durch Kaiser Ludwigen zu einer  
 Markgraffschafft verhebt, ist  
 aber so, wie hernach vnder Car  
 rolus Quarto, ist dem Kurfursten  
 zu Metz zu einem Hertzog  
 thum erhaben, dieses Gudich ist  
 durch die Formel, so stat dar  
 in, vnter sich vertheilt worden, aus  
 theils durch die erobrig Car  
 li Quarto, anders theils durch  
 ein Decret, daren haupt welches  
 vnter Metz, daren ein dringen  
 und alle in hiezu eben gehalten  
 wirdt.



Confina Comitatus  
 Luczenburgen  
 et Limburgensis

MERIDIES

arcta maior possit esse numerus; præcipue ab ea parte qua Eyfalæam contingit. neque mirum cum magna polleat nobilitate (quemadmodum & Bergensis & Cliuensis ducatus) utpote sunt Reuschenbergij, Palantij, Merodij, Quadi, Flodrouij, Nesselrodij, Meternicij, Binsfeldij, Virmundini, Horstiani, Bilantij, VVaechtëduncani, Veldbrugges, Frensi, Borchidij, Hatzfeldij, Keteleri, & plurimæ præterea insignes equestres ac nobiles familiæ. In vicinia Colonienfis Diœcesis, haud procul à Narsis fluuij capite, Baronatus cõspicitur V Vickradiensis, arcem habens munitissimam, Quadorum domicilium. est autem territorium illud feudum Imperij & liberum, priuilegijs ac libertatibus magnificis ab Imperatoribus Augustis munitum; quin & aulæ Geldricæ magisterium ad V Vickradianam domum spectat. In hoc porro ducatu sita est etiam magnifica illa & Imperialium primaria vrbs Auenfis (Aquisgranum vulgò) Ista autem non Achen Sed æfen Germ. vocatur, quasi A quen. ab aquis seu thermis quas habet tota Germania celeberrimis. nil mirum igitur imperitos ac linguarum rudes Belgas quosdam, dum propria dialectus pertæsi, superiori inhiare student, in errorem sæpe rapi: si enim sua elocutione contenti fuissent, originem nominis non ab Interiectione dolentis Ach deduxissent; cuius deriuationi vt aliquem colorem facerent, nescio quam fabulam affinxere. Quantum verò ad aulam vel Sedem Principis attinet, ea Düsseldorfij est, Bergensis ducatus metropoli, à Dussela amne qui eam mediam perfluit, sic denominata; idque propter loci, vt opinor, commoditatem & amœnitatem; cum alias Iuliacensis vrbs amplissimo, eoque inexpugnabili sit castro munita. Regionis aer bonus est ac Salubris; ager frumenti ferax; terra plana, minærarum sterilis. Fluminibus rigatur Ruera, Erfate, Narsis, Vormio alijque pluribus ac ignobilioribus riuulis Orientali autem latere Rhenum, ab Occidentali Mosam respicit.

